

INUIT ATAQATIGIIT

INATSISARTUNI



UPA 2014/69.1.
29. april 2014
Naaja Nathanielsen

Inuit A-nik akissarsiaqartut 1. januar 2015 aallarnerfigalugu sulinerminnut ilanngaatisiaqalernissaat siunertaralugu Akileraartarnermut inatsisip allanngortinnissaata eqqunnissaanut aningaasalersornissaanullu tunngavissamik nassuiaammik saqqummiusseqqullugit Naalakkersuisut peqqunegarnissaannik Inatsisartut aalajangiiffigisassaattut siunnersuut. Nassuiaat saqqummiunneqassaaq Inatsisartut 2014-imi ukiakkut ataatsimiinneranni, taamaasilluni aliangiinermut ilanngaatip eqqunnerata aningaasatigut kingunissai 2015-imut Aningaasanut Inatsisissamut atatillugu tulleriiiarnermi ilanngunneqarsinnaaniassammata.

(Inatsisartunut ilaasortaq Andreas Uldum, Demokraatit)

Andreas René Uldum, Demokraatineersup sulinermit ilanngaatisiaqalersitsinissap eqqun-neqarsinnaanera periarfissaqarneris qumissuiffiqeqassasooq siunnersuuteqarpoq. Siunnersuut qinigaaffimmi kingullermi saqqummiunneqarluni akuersissutiqeqarpoq.

Sulinermit ilanngaatisiaqalersitsinissap eqqunneqarsinnaanerata pitsaaqutissartai akornutigisinnaasalu pillugit nassuiaammik tunngavissamik suliaqartoqarsinnaanera Inuit Ataqatigiinnit ajoriffissaqartinnngilarput. Sulinermit atatillugu ilanngaatisiaqartitsisalernissaq takorloorneqartutut sunniuteqassanersoq qularnartoqartikkaluarlugu, taamaattoq tamatuma annertunerusumik misissorneqarnissaa aamma ta-persersorsinnaavarput.

Inuit Ataqatigiinni kissaatigaarput inuiaqatigiinni tamatta atugarissaarnissatsinnut tunngavissavut qaffassarneqartariaqartut aammalu sulisinnaassuseqartut amerlanerit suliffeqalernissaat ilinniagaqalernissaallu qulakkeerniarneqartariaqartoq. Isumaqarpugut taama iliorsinnaagutta inuiaqatigiinni atukkatigut naligiinerulersitsineq pitsaanerpaamik aqqutissiuunneqarsinnaassasooq. Inuiaqatigiinni eqimattat ataasiakkaat ajunngitsorsissaqartinnissaat salliutippallaanngikkaluarlugu, taamaammatt iliuutsit assigiinngitsut aallartisarneqalereersimasut aqqutigalugit kikkut tamat pitsaanerpaanik periarfissaqalernissaat sulissutigaarput. Imaappormi sulinermit atatillugu ilanngaatisiaqartitsisalernissaq taamaallaat suliffeqareersunut iluanaarutaassammatt, taakkumi qaammatit tamaasa tamanna aningaasanik pissarsissutigisavaat, suliffeqanngitsulli paarlattuanik ilanngaammik taassuminnga pissarsinngitsuussallutik. Ilangaatip eqqunneqarneratigut taamaammatt suliffeqareersut suliffeqanngitsullu akornanni atukkatigut assigiinngisitsineq annertusarneqaannassaaq.

Suliffissanik amerlanerit pilersitsisinnaanissaq, inuit amerlanerit sulilersinneqarlutillu ilinniagaqalersinneqarnissaannut sanilliullugu Inuit Ataqatigiinnit sulinermit atatillugu ilanngaatisiaqartitsisalernissap kissaatigineqartutut sunniuteqarsinnaas-anersoq ernumanartoqartissinnaavarput. Nassuiaat suliarineqartussaaq eqqarsaatigalugu taamaammatt aamma kissaatigaarput ilanngaatip eqqunneqarnerata pingaarnerusutigut sunniutissartai allaaserineqassasut aammalu taassuminnga inuit

kikkut pissarsitinneqartassannginnersut ilanngullugit nalilersuisoqassasoq. Ilangaatip pitsaaqutissartai allaffissornikkut nakkutilliinerulernikullu amerlanernik aningaasartuuteqarfiulissannginnersoq ilanngullugu isiginiassallugu aamma pingaaruteqarpoq.

Taamatullu oqaaseqarluta siunnersuut appassaaneerneqartinnagu Inatsisartut Aningaasaqarnermut Ataatsimiititaliaannut suliassanngortipparput.

Aammattaaq Aningaasaqarnermut akileraartarnermullu ataatsimiititaliaasimasup pisap kingullermik oqaluuserineqarmat isumaliutissiissutigisimasaa innersuutigarpurput. Isumaliutissiissumi oqaatigineqartut Inuit Ataqaatigiinniit suli isumaqatigineqarpurput.

Siunnersuut siornatigut oqaluuserineqareermat taamatullu isumaliutissiissusiorfigineqareermat aappassaaneerneqannginnerani ataatsimiititaliami oqaluuserineqaqqinnissaa pisariaqarsorinngilarput.